

鐘偈 隱仙派寺觀所用

十方塵靜三叩鐘聲宣普度之靈文演清虛之妙品伏願君王
仁聖萬國承平更祈父母康寧千家和順自古忠貞節烈箇箇
揚名從今痛苦顛連人人獲慶九幽六道四生回元返本古墓
荒郊冷殯度魄超魂廣拔乎刀兵水火瘴疫夭亡之輩各免悲
鳴並祝乎鰥寡孤獨羈旅流離之人咸歸順境合陰陽而全性
命能消罪垢凡塵憑德行以立乾坤可對天高地迴為儒為佛
能週一十二萬遐齡希聖希真不落三千六百邪徑掃除悲傷
恐懼愛慾貪嗔降伏意馬心猿虎情龍性福祿來成天上神仙
接引山門清淨人間道烝長存

道藏輯要

三丰全集 鐘偈

聖

續畢集十

志心朝禮

先天一炁三清道祖天尊

志心朝禮

昊天金闕高上玉皇天尊

志心朝禮

九天應元雷聲普化天尊

志心朝禮

太乙救苦尋聲赴感天尊

志心朝禮

歷代傳道無上眾聖祖師

志心朝禮

歷劫掌道無上眾聖仙師

志心朝禮

請天諸地嶽瀆神祇

志心朝禮

北斗南斗列宿星君

志心朝禮

盡虛空界一切靈感眾神

志心朝禮無量解厄經志心朝禮無量度人經

道藏輯要

三才全集

鐘偈

星

續畢集十
三十一